



سؤال اجباري





مين هي حبيبتك
بعنيهم لو قولت اسمك
مش عايز غير بس أضمك
واختفي جوا مدينتك
وتتقطع اخباري
سؤال اجباري
هي مين ؟
اللي كل الكلام ليها
وبتشوف الدنيا بعنيها
اللي بتقطف من السما وتديها
يا رجل ده احنا حبينا الحب
من كلامك فيها



وأنا تعبت من كثر ما بداري

القلب قلبي والدار داري

والغريب يشاركني فيه

بسؤال اجباري

مين وامتي وليه واذاي

ومليش غير بس

لمستك تطفيلي ناري

ومهما احاول أخفيكي

عن عينيهم

هيعرفو انك معايا

من بخاري

سؤال اجباري

امتي هتعقل ...



لا انا مش عاقل
مينفعش تصبر ..
لا مليش طاقه للصبر
وفي نفس اليوم اللي فيه حبيبتك
قفلت علي العقل
باب القبر
وبقيت فرحان انه اتحبس
وصوت لاء فيه اتخرس
والقلب حر
عايزك تعرفي
ان أي حب في العالم
غيرك عسل مداس
واني هعاملك



معامله الذهب والماس
واخبيكي من عنين الناس
قمر يكمل بس يوم سهري
شمس تداريها غيومي
تقف في نص السما ساعه دهري
عشان معاها يطول يومي
واعمل اي حاجه ويفضل
اسمك مداري
سؤال اجباري
لحد امتي ؟
لحد ما الحب يخلص
او الهوا في الجو ينقص
او الحياه علي النفس ترخص
ولو في الناس الكل باع



هفضل انا شاري
ولو كل الوشوش مفيهاش
غير سؤال اجباري
الاجابه او عدمها في النهايه
القرار قراري